

Powšitkowne WOZJEWJENJA

njedźelu, 21. septembra 2014

Biskop Reinelt přeni hósć

Nowy rjad wječornych zarjadowanjow pod hesłom „Hósć w tachantskim wobchodže“ zahaji so wutoru, 23. septembra, we 18.30 hodź. w Budyskim Ekumeniskim tachantskim wobchodže. Z přnim hosćom budže starobiskop Joachim Reinelt.

Nyšpor z požohnowanjom konjacych zapřahow

Towarstwo Cyrila a Metoda, sekcija wěda a skutk, přeprošuje tež lětsa na wosebity nyšpor z požohnowanjom konjacych zapřahow. Tutón budže njedźelu, 28. septembra, w 14 hodź. w Chróśćicach na łuce při Hatkach. Nyšpor wuhotuja muski chór Delany a Chróśćanscy wosadni dujerjo.

Wulět dekanatneje młodžiny do krosnowanskeho parka

Dekanatne dušepastyrstwo młodžiny přeprošuje na zhromadny wulět přichodnu njedźelu, 28. septembra. Cil je krosnowanski park w Drježdźanach. Bus wotjědže w 11.30 hodź. ze Sulšec, w 11.40 hodź. z Ralbic, w 11.50 z Chróśćic a w 12.00 hodź. z Pančic-Kukowa, wšudže wot busoweho zastanišća. Bus nawróći so we 18 hodź. Přinošk wučinja 20 eurow na wosobu. Młodostni měli so hač do srjedy, 24. septembra, w Don Boskowym Domje we Worklecach přizjewić, telefonowe čisło (03 57 96) 9 55 95. Městna su wobmjezowane.

Džak za 50 lět dujerskeje hudźby w Chróśćicach

Dujerjo Chróśćanskeje wosady wuhotuja njedźelu, 28. septembra, w 9 hodź. Božu mšu. Na njej chcedža so Bohu džakować, zo je přez 50 lět skutkowanje dujerjow w Chróśćanskej wosadze ze svojim žohnowanjom přewodžał, a so za žiwych a zemřětych hudźbnikow modlić. Wšitcy zajimcy su přeprošeni. Po kemšach su wšitcy dujerjo, kotřiž su w běhu zaštych 50 lět w pozawnowym chórze na Bože čelo w Chróśćicach službu wukonjeli, na faru přeprošeni.

Swójbne popołdno w Njebjelčicach

Wšitcy wobdźělnicy ministrantskeho putnikowanja do Roma su ze swojimi swójbnymi kaž tež dalšimi zajimcami přeprošeni na zhromadne popołdno tutu njedźelu, 21. septembra, do Njebjelčic. Wone zahaji so z nyšporom w 14.00 hodź. w cyrkwi. Na nim zaspěwa projektowy chór ministrantow. Spěwarjo a spěwarki zetkaja so w 13.30 hodź. na farje. Nyšporej přizamknje so swačina. Po njej budžetaj Christina Pólkec z Kulowca wo swojim lěće jako misionarka na čas w Africe a Franc Čornak z Chróśćic wo swojich dožiwjenjach jako wandrowski rozprawjeć. Z wobrazowej prezentaciju móža wšitcy na ministrantske putnikowanje wróćo zhladować. *Dekanatne dušepastyrstwo we Worklecach*

Eksercicije w Drježdźanskim domje Wysoke duby

Dny rozpominanja a modlenja wotměja so wot pjatka, 10. oktobra, we 18.00 hodź. hač do njedźele, 12. oktobra, připołdnja w eksercicijnym domje Wysoke duby w Drježdźanach. Jezuitski pater Willi Lambert je k temje „Z čeho je wěra žiwa – eucharistija a žiwjenska kultura“ přewjedže. Wón budže w němskej rěči přednošować, modlitwy a kěrlušy budu serbske. Tež mjelčenje a wuměna nazhonjenjow budžetaj wotstatk tutech dnjow. Přizjewić měli so zajimcy w Chróśćicach na farje, telefonowe čisło (03 57 96) 8 04 00 abo pola Marije Clausenoweje, telefonowe čisło (01 52) 52 05 71 88.

Zetkanje Kevelaerskich a přichodnych putnikow

Wšitkich, kotřiž su so na putniskej jězbje do Kevelaera wobdžělili, přeprašuju na zetkanje w Šmitec wozydłownistwje w Radworju. Tute budže pjatk, 10. oktobra, po wječornych kemšach, kotrež su w 19 hodž. Dokelž chcemy nowu jězbu planować, su wšitcy zajimcy wutrobnje přeprašeni. T. Kubašec

Tydzeń zetkanja za młodych dorosćenych

Hünfeldski pater Martin Wolf z rjadu oblatow přeprašuje młodych dorosćenych w starobje mjez 25 a 39 lětami z Łužicy na zhromadny tydzeń do tamnišeho klóštra. Zaměr je zetkanje z jenak starymi ludźimi. Dny wotměja so wot póndzele do pjatka, 9. do 13. februara 2015. Zajimcy měli so hač do srjedy, 15. oktobra, z mailku pod Begegnungswoche@pfarrei-crostwitz.de přizjewić. Nadrobniše informacije su pod www.posol.de wozjewjene.

Zhromadny dzeń za 1. a 2. lětnik

Dekanatne dušepastyrstwo přeprašuje džěci 1. a 2. lětnika na zhromadny dzeń sobotu, 11. oktobra, wot 9 do 15 hodž. do Don Boskowego domu we Worklecach. Zajimcy njech so prošu hač do srjedy, 8. oktobra, pod telefonowym čisłom (03 57 96) 8 87 07 přizjewja. Za wudawki dnja zběra so wot kóždeho wobdžělnika přinošk we wysokosći třoch eurow.

Sinfoniski koncert z Judit Kubicec w Budyšinje

Serbski ludowy ansambl a Drježdźanska Sinfonietta přeprašujetej na zhromadny koncert njedźelu, 21. septembra, w 17.00 hodž. do Němsko-Serbskeho ludowego dźiwadła w Budyšinje. Pod hudźbnym nawodom dirigentki Judit Kubicec zaklinči Serenata Notturna w D-dur Wolfganga Amadeusa Mozarta, 8. sinfonia Ludwiga van Beethovena kaž tež kompozicije Luigija Dallapiccole, Sebastiana Elikowskeho-Winklera a Antonína Dvořáka.